



明詩正聲卷四十二 七言律詩十二

廣陵

盧純學

選輯

江一夔

校閱

送賴元復之湖廣

倪光胤

蘆花八月送歸舟
岐路蕭條入暮愁
千里寒烟衡嶽色
孤帆斜日洞庭秋
沾衣淚逐猿聲落
回首天連鴈影浮
湖海不堪成遠別
贈君唯有一

吳鉤

送董守德之池陽

秦淮柳色暮生愁，落日魂銷古渡頭。
雙袖欲沾千里淚，片雲遙繫九華秋。
蒼山白鴈帆前路，丹葉黃花客裏舟。
此去故園何處是，滿江烟月思悠悠。

登觀音閣

韓尼生

玄扉寂歷一燈明，鐘鼓穿雲報曉晴。
九月飛鴻來朔氣，千林木葉起秋聲。
樓高天上連牛斗，地遠人間隔市城。
但得烟霞供咲傲，不將生計問君平。

夢作頭陀覺而書此

顧冶

夜殘有夢到恒河，應為閻浮煩惱多。
苦行願方深，面壁前身果已證。
頭陀披衣尚覺餘香在，攬鏡其如短髮何。
解得今生都是幻，壯心遮莫付波羅。

飲焦山絕頂候初月

捫蘿飛磴碧崔嵬，平楚蒼蒼首重回。
雲護鶴書歸洞壑，晴開蜃氣結樓臺。
吟邊風色披襟迥，樹底江聲挾袖迴。
已向焦家成信宿，可容新月佐

深盃

送髯參軍赴薊遼幕府

鐵馬連錢出大荒
西風把酒脫干將
參軍髯拂長榆紫
上將營開細柳黃
搖筆秋生遼左戍
飛書夜走幕南王
遙天獨鶴愁雲斷
好向征人覓故鄉

雨中鄔汝翼金玄朗見訪鄔將客江西金
客山東

四窻秋樹綠浮天
霖雨還過二客船
道在不嫌

彈匣劍貧來猶賴賣碑錢
尋盟石掃洪崖月訪
舊晴開曲阜烟
旅夢茫茫空自覺
何時高枕共
栖禪

鄒彥吉鬯閣初成詩以落之

石磴雕窓俯斷虹
瓊簾綉幕澹長風
萬家一一闌干曲
千嶂蒼蒼睥睨中
不盡松聲連野鶴
有時帆影破冥鴻
更貪西望溪如帶
儘着丹臺倚碧空

懷張比孟

江震祚

短褐依然托異鄉
年來誰復問行藏
鴈聲乍度千門月
楓葉初酣萬樹霜
杳杳行人江上路
蕭蕭蕭長缺客中裝
憑闌望斷陵陽色
宛水微茫落日黃

春日游靈谷寺

日邊孤塔倚巔峴
古洞春來雪未殘
麋鹿不離丹壑裏
樓臺時出白雲端
萬松濤夾鐘聲起
千嶂陰連樹色寒
貪佛自憐心寂歷
焚香常許傍旃檀

王太史開社丁園

金朗

帝里深開水竹居
王孫招隱及樵漁
織歌聽去疑金谷
玉饌分來自石渠
月裏峰巒渾映帶
霜前草樹暗蕭疎
相看盡是梁園客
授簡何人並子虛

賦得黃鶴樓送丁元甫

吳運嘉

萬里青天忽送君
不堪秋望楚江分
軋坤未見歸黃鶴
樓閣空教鍊白雲
吳苑帆飛寒雨過
巫山木落夜猿聞
長歌懷古兼離思
日暮憑闌酒

易醺

秋日同秦無雙黃荆卿楊允大集雨花臺

限韻賦

丘陵

層臺縹緲倚雲隈落木蕭蕭傷酒杯日湧絳霞
孤塔起天浮白練大江來荒原草色牛羊下平
楚秋陰鶴鶴迴急管繁絃歡未極嚴城暮角動
清哀

閨秀

教坊獻詩

鐵氏長女

教坊脂粉洗鉛華一片閒心對落花舊曲聽來
猶有恨故園歸去已無家雲鬟半挽臨粧鏡雨
淚空流濕絳紗今日相逢白司馬尊前重與訴
琵琶

教坊中呈原問官

鐵氏次女

骨肉相離舊業荒一身何忍去歸倡淚垂玉筋
辭官府步斂金蓮入教坊覽鏡幸無傾國色傷

人羞學倚門粧春來雨露寬如海嫁得劉郎勝
阮郎

送弟就試春官

沈宮人

自少離家侍禁闈人間天上兩依稀朝迎鳳輦
趨青瑣夕捧鸞書入紫微銀燭燒殘空有淚玉
釵敲斷竟無歸年來望爾登金籍同補華蟲上
衮衣

秋興

李夫人

小塘蒲柳漸蕭疎露滴銀牀下井梧隱去陶潛
戀松菊歸來張翰憶蓴鱸雨收殘暑蟬聲咽風
送新涼鴈影孤每為悲秋減懷抱任教香冷博

山爐

其二

江上浮雲障碧空亂山愁鎖夕陽紅邊城画角
吹殘日野寺疎鐘度晚風梧樹着霜飄敗葉菊
花經雨發寒叢愁多倦寫蠅頭字坐倚胡床看
塞鴻

朱夫人靜菴許來訪竟不見過作此以寄

美人曾約來相訪底事雲駟竟不過深院雪消
芳草綠小園風過落梅多歆食白石先投藥愛
寫黃庭不換鵝我欲共君修大道他年銅狄再
摩挲

高郵

蕭蕭蘆葦沒長堤野色秋光總入題木落山空
雲影薄天高水濶浪痕齊商船泊岸牙樯集旅
館招人酒旆低更有孤帆隨鳥度櫓聲搖曳夕
陽西

吳山懷古

朱靜菴

萬里中原戰血腥宋家南渡若為情忠臣有志
清沙漠庸主無心復汴京北塞春風啼蜀魄西
湖夜月照瑤箏百年興廢空陳迹回首吳山落
照明

湖曲

湖光生色映柴扉茅屋踈籬客到稀閒摘松花
釀春酒旋栽荷葉裂秋衣紅分夜火明書屋綠
漲晴波沒釣磯惟有溪頭雙白鳥朝朝相對亦

忘機

秋夜

月轉梧桐夜未央
繡屏斜裊篆爐香
金風初起
桂花落玉露無聲
秋夜長碧海望窮
仙路遠紫簫聲徹
晚天涼乘槎欲共
天孫會惆悵銀河路
渺茫

春雨

濕雲漠漠雨如絲
花滿西園蝶未知
金屋曉寒鶯語澁
畫樓春曉燕歸遲
宮桃有恨啼紅淚
烟柳多情斂翠眉
檀板金尊久寥落
孤城愁聽角聲悲

京邸九日懷夫未軒

鄒賽貞

十年清苦伴青氈
簡擢無緣別思牽
楓葉蕭蕭添晚思
菊花冉冉鬪新妍
秋江未見歸張翰
孤館誰憐老鄭虔
欲覓白衣充酒使
遠傳逸興到籬邊

寓金陵寄長兄野泉

潘氏

萬丈華峰泚水東
天涯秋晚思無窮
兄南弟北

三年別越水吳山兩地同
明月曉光移檻白芙蓉
秋色映江紅
鵲鴿誦罷情無已
片楮聊將託便鴻

寄夫升菴

黃夫人

鴈飛曾不到衡陽
錦字何由寄永昌
三春花柳妾薄命
六詔風烟君斷腸
日歸日歸愁歲暮
其雨其雨怨朝陽
相聞空有刀環約
何日金雞下夜郎

憶姨和韻

孫夫人

昨夜寒梅已着花
新枝折取寄天涯
鸞翔霄漢還千里
人隔燕吳本一家
無那看雲憑画檻
懸知望月倚牕紗
錦牋况復傳佳句
詠雪高才未足誇

避寇越城感述

雲白山青宿霧收
越王臺下水悠悠
停針倚檻渾無語
避寇移家可自由
延望燕關常系念
回瞻慈隴漫生愁
為憐骨肉棲三地
幾度臨風欲淚流

憶京華籠鋌鏹三子次韻

旅居抱病自躊躇
荏苒流光逼歲除
天畔雙魚無處覓
日邊三鳳竟何如
文園司馬應裁賦
漢闕孫弘待上書
南土只今多寇盜
倚門焉得鬱懷舒

寄女孫大姐

俞節婦

霜葉橫江鴈到遲
春風會面幾時期
燕山飛夢三千里
越水相思十二時
碧海無魚傳遠信
青天有月助吟詩
封書寄汝殷勤意
好主蘋蘩慰我思

送甫四姪行

綠遍江亭細草香
晚風離思幾迴腸
壯遊不負書千卷
惜別那辭酒百觴
帆指白雲開驛路
鳥衝寒雨下河梁
袖中定有匡時策
好向明廷一播揚

羽士

送僧錄講經崇遠

周思得

一錫飛空出帝京
烟霞蹤跡水雲情
袈裟靜疊

曇華影靈籟清傳貝葉聲翠竹岩前看有相磐
陀石上話無生房前舊植松枝老弟子應看偃
蓋青

道錄吳正一歸豫章祭掃

袖拂烟霞返故丘暫行何必動離愁飛鳧舊識
三山路盡鷁新浮一葉舟已有霞光凝海島更
將天寵賁松楸遙知一酌重泉後鶴背風高又
十洲

題錢塘勝覽圖

盧大雅

南渡衣冠委草萊危亭高處海門開雲生都邑
雄中國月落軒窓逼上台春夢已隨流水去寒
潮自領夕陽來小樓題畫因惆悵豈獨昆明有
劫灰

山中秋日

章志宗

山中秋日冷蕭蕭一谷寒雲伴寂寥黃菊傲霜
花半老綠荷翻雨葉將彫幾年遁跡風塵斷千
載還丹歲月遙試向西皇問消息青天端不負
漁樵

釋

遊石湖蘭若

來復

荷花蕩西湖水深上有蘭若當高岑客吟時見
猿鳥下僧定不聞鐘磬音雨香秋林橘子熟雲
落空澗棠梨陰閒來掃石坐竹裡靜與山人論
素心

寄贈洞庭葉隱君

一舸南歸鬢欲華買山湖上卧烟霞尊如北海
應多酒園擬東陵亦種瓜丹壑泉春雲碓藥橘
林風掃石牀花傳家自與鄰翁異見說藏書有
五車

荅王叔潤

守仁

天祿然藜嬾校經鶻舟隨處泊鷗汀西風舉扇
無王道東海移家有管寧溪雨初晴雲更白湖
霜未落草猶青客樓寂寞江天外幾度遙瞻處
士星

吳友民平野堂

華屋高開似瀼西淨分流水出龍溪地環海國

東維壯天落江城北斗低倚柱雲邊看鶴去把
杯花底聽鶯啼白沙過雨平如掌消得支郎送
馬蹄

春日送羅斛使者郭原恭歸國

宗泐

危檣巨舶在津亭一曲商歌酒半醒新水滿江
過北固好風十日度南溟瘴烟起處桺柳黑毒
霧開時島嶼青到日蕃王應勞來 皇仁無外
說朝廷

送曹國公北征

宗泐

上將提軍事北征旌旗百萬出南京直教大漠
空胡種豈但先鋒破虜營瀚海無冰堪飲馬天
山有石可鐫名由来衛霍多勛業從此三邊不
用兵

送李樵雲叅政致仕還朝

致政耆年寵命新安車入 覲御蒲輪畫圖爭
寫香山老冠蓋相傾洛社人甲第東華依日月
壽觴南極望星辰赤松笑說留侯計何必神仙

早脫身

過武夷九曲

釋鈺

洞府知名歲月深因朝上國此登臨人間九曲
應能見海上三山不用尋丹室香銷秋瑟瑟玉
簫聲斷月沉沉溪山有待歸來日琪樹花開春
滿林

南屏道中

永彛

五月雨聲連六月南屏雲氣擁柴扉林巒有穴
山精出岩谷無人石燕飛詩句偶從行處得家
鄉多在夢中歸朝來杖策溪南路新水溶溶沒
釣磯

送徐行正人材之京

本中

鴻鴈來時澤國秋西風潮落大江頭薰葭楊柳
東西岸楓葉蘆花遠近洲鍾阜烟霞千嶂出蓬
萊宮闕五雲浮丈夫勛業青冥上莫為思鄉易
動愁

和夏尚書登松江百尺樓

百尺危樓勢壓山上卿登覽倚朱闌海門樹色

連天遠江口潮聲帶雨寒塞鴈幾行投晚渚沙
鷗數點浴晴瀾錦箋題得瑤瑤句身在青冥興
未闌

送僧還四明

智圓

遠携瓶錫到金陵又逐秋風過四明白石清泉
懷舊約碧雲紅樹動離情路從朱雀橋邊去舟
自丹陽郭裡行惆悵客中頻送客更堪踈柳暮
蟬聲

十七日謝恩奉天門

夢觀

金殿重重護采霞天門賜坐擁袂裳尚方晨鉢
分雲子中使春杯賜乳花雉尾風清天咫尺螭
頭香霧暖橫斜 聖恩特許還山蚤宮柳黃時
喜到家

二月三日泊瓜洲渡與吳菴同賦

淮烟漠漠夕陽收楚樹昏昏翳客舟風度鐘聲
來北固帆將燈影過揚州雲銷碧海天無際波
撼金山地欲浮獨恨壯遊非昔日滿江風露夜
如秋

七月十八日重過何氏山林

南塢新秋穀正花步從真侶入烟霞山林重過
將軍宅天漢初回奉使槎滿地江湖身是客終
宵風雨夢還家十年為說燈前事却望青雲路
轉賒

送康郡馬北征

北望交河紫塞遙將軍鼙鼓撼晴霄兵臨大漠
雲初合馬度陰山雪盡消中貴爭隨李驍騎胡
兒驚見霍嫖姚氏羌谷蠡無多種收取竒勳荅

聖朝

與衍公登虎丘山

紺宮高擁碧崔嵬曾是秦皇駐蹕來虎石半銷
金氣盡翠崖中斷劒池開巖僧掃月千峰淨山
鬼吟風萬壑哀老我登臨春已晚落花吹滿講
經臺

遊廬岳

帆掛東風十幅蒲西行五日指匡廬柳垂湖口
知彭澤山落船頭見小孤白雨亂峯皆瀑布紫

烟高處是香爐茲行安得王摩詰為寫蓮花社
客圖

懷太白山人

明秀

堦前黃葉堆欲滿湖上白雲閒自來千里秋風
悲斷鴈兩峰寒日憶登臺未能明月同移棹想
見黃花獨舉杯吟遍長松千萬樹南屏落日寺
門開

中秋汎澈溱湖

人物百年滄海上釣竿裊裊拂珊瑚前峰吹笛
月在水中流放歌秋滿湖夜靜魚龍迴浦溱天
低星宿動菰蒲山川勝槩自今昔天柱洞庭還
有無

顧子重陳南賓沈懋學吳天澤九日勝果
山登高

越王臺上送長歌落日秋風感慨多草莽野烟
諸寢殿寺門黃葉舊山河半江舟楫來鴻鴈絕
頂罇壘上薜蘿此日相逢總陶謝風流文采復
如何

奉和石城許太常公韻

果斌

宰官閒訪碧巖僧直到祗園最上層
洞口雲棲鐘欲罷山腰日暝客還登
空林朗朗傳清梵古殿陰陰見佛燈
若問曹溪玄祕處此心將不愧南能

青衣

登樓懷友

李英

故人何事各西東萬里登高恨不同
絕嶂浮雲連碣石諸天佳氣滿華嵩
長城驛路遙看處故國音書悵望中
獨有歸心南海去不堪斜日送征鴻

歲暮旅懷

天涯留滯歲將除短髮蕭條歎索居
楓葉共飛遊子夢梅花不見故人書
雲浮關樹千山盡夕照江烽萬里餘
回首旗亭心更遠每看征鴈一踟躕

送鄉友南還

楊柳霏霏瑣綠陰薊門春盡落花深
琴尊羨爾

能雲卧書劍憐予尚陸沉萬里河山遊子夢中
原涕泪故人心别來握手知應早預想秋期在
竹林

明詩正聲目錄

卷四十三 五言排律一

錙績 二首 王 儼 一首 李東陽 一首

李夢陽 五首 魯 道 一首 何景明 二首

顧 璘 一首 邊 貢 一首 孫一元 二首

徐禎卿 二首 鄭善夫 二首 常 倫 一首

楊 慎 四首 薛 蕙 七首 王廷陳 四首

馬汝驥 一首 李士允 一首 黃省曾 一首

高叔嗣 二首 許宗魯 一首 田汝成 一首

唐順之 一首

卷四十四 五言排律二

陳東 一首 高尚志 二首 喬世寧 二首

林爓 三首 皇甫湜 一首 皇甫汸 一首

王廷幹 一首 李攀龍 十二首 吳維嶽 一首

王世貞 九首 徐中行 二首 吳國倫 六首

宗臣 二首 謝榛 十九首 李汝蘭 一首

卷四十五 五言排律三

李先芳 五首 黎民表 一首 方弘靜 一首

蹇達 一首 姚汝循 二首 歐大任 二首

高永祉 一首 陳大震 一首 錢兆賢 一首

黃克晦 二首 陳純 一首 周天球 一首

張文介 二首 王叔承 二首 胡坦 一首

胡旦 一首 朱正初 一首 葉之芳 一首

茅溱 一首 高爐 一首 柳應芳 三首

梅蕃祚 二首 江震祚 一首 丘陵 一首

顧冶 二首 潘高 一首

卷四十六 七言排律

宋 濂 一首 劉 基 一首 劉 謙 一首

金 幼孜 一首 余 學夔 一首 王 恭 一首

張 寧 一首 李 攀龍 二首 王 世貞 一首

楊 繼盛 一首 徐 中行 二首 吳 國倫 二首

謝 榛 一首 歐 大任 一首 張 獻翼 一首

汪 時元 一首 黃 克晦 一首 顧 冶 一首

明詩正聲目錄卷之四十六

明詩正聲卷四十三 五言排律一

廣陵 盧純學 編輯

江一夔 校閱

八月十五日夜泛湖 錙績

舸艦中流並琴尊上客同林泉真有待洲渚暗
相通霧斷山疑畫烟沉水似空卷帷邀桂月攬
佩結荷風織歌凝鳳籟醉舞踏龍宮杯深知酒
聖詞富識文宗雅會殊難得高情幸不窮賦詩
聊自奏不是倚才雄

城南講武二十韻

授鉞防戎塞陳謨出禁闈將軍金作印壯士鉄
為衣拓地三邊靜招降九姓歸秋聲清虎落海
色晃龍旂幟舉初分隊箛鳴乍合圍狼烟連磧
起獵火向原飛艸勁胡鷹疾蕉香漢馬肥指揮
仍有律擊刺動無違月滿弓離鞞星流箭發機
駕翻中屢疊兔走脫還稀鼎實需熊掌竿旌析
雉翬凱歌喧玉帳猛氣壓金微非取軍中樂真
揚塞外威諸羌膽盡懾大國勢增巍程李名堪

繼良平智可希唯須富駉駉不用感伊威
擬旒圖新入麒麟像擬揮湛恩霑後裔茂蹟邁前徽
聖德天同大皇明日並輝願堅忠孝節千禩翊玉畿

海珠寺

王儼

絕島波心見棲身玉鏡中欲觀鰲背日還伏鷁
樓風客思員壺外雲程若木東蜃光晴作霧海
氣晝成虹僧刹蛟龍護神珠水月通同遊多逸
侶歸棹擬乘空

重謁孝陵

李東陽

龍虎諸山會車書萬國同星躔環斗極王氣繞
江東地湧神宮出橋分御水通丹爐晨隱霧石
馬夜嘶風日月無私照乾坤仰聖功十年瞻望
處雲樹鬱葱葱

鄱陽湖

李夢陽

太祖平陳日樓船下此都波濤留壯色天地見
雄圖水上開黃屋雲中下赤烏士猶詢後載戈
已倒前徒力屈鯨鯢仆聲回鴈鷺呼橫江收玉
筇跨海定金符文軌遙通楚梯航訖至吳虎賁
雖莫敵龍戰豈全辜血染猶丹草骨沉空白蕪
汀洲夜窸窣霜月鬼嗚嗚殺氣鼉鼉徙腥風島
嶼孤罾人拾古鏃艇客慨秋菰偉彼高光烈還
將蕭鄧須英雄協睿筭勇奮想長驅劒瘞神仍
在舟焚勢與徂康山魏廟在忠武激頑夫

哭徐博士

乾坤風色暮江漢哭斯人棘寺翻飛日文園久
病身數竒官竟左材大命須貧放浪原違癖羈
淹祗為親赤城終羽節壁水暫儒紳鷓鴣偏垂

日言上卷
卷之四十一
三
翻鯨鯢不縱鱗回俎豈道薄屈憤轉時屯藥石
魂能返龍蛇識乃真楚狂嗟鳳鳥魯叟泣麒麟
邂逅京華始風雲氣象新遙鶴陪玉筍倚馬接
華裊宅讌南陽月花吟東部春回頭成夙昔開
眼漸風塵妻子今誰托文章後益振王喬誇鴈
鵠傳說化星辰松柏丘墳岨灰沙劒舄陳閭門
寒擊甕吳水痛沉珍宿草偏舟阻生芻絮酒伸
碑非蔡邕愧誅豈仲宣倫獨把延陵劒吞聲淚
滿巾

赦出館李真人別業顧侍講清汪編脩俊
俊弟編修偉許枉訪不至

開業傷仙宮逶迤金闕通彩雲偏近日瑤草靜
含風野性耽沉寐携遊想數公秋林葉自落露
井果猶紅搖筆憐清景吹簫望碧空寒山萬井
外滄海五陵東却咲籠鵝侶翻成失馬翁生涯
真画餅故舊各飛蓬對食懷金馬開筵列玉童
不知東閣士清論幾時同

聞河南捷呈閣內諸公

近得河南定旋收東海疆元兇親受縛餘孽遠
潛藏始失徐關險終憐郢塞長狐狸窺社稷螻
蟻竊侯王清洛千營駐黃河一葦航詎能逃汝
漢那敢傷嵩邱勇略傳諸將兵威借朔方中丞
兼節制上宰極扶匡霽色瞻宮殿陰氛散渺茫
凱音連報捷獻壽屢稱觴 天子開麟閣羣公
奉栢梁中興當此日漢武是今皇愴往衣冠禍
哀茲盜賊猖缺戕悲相國開網見殷湯格鬪中
原血誅求海內瘡猶須哀痛詔可少治安章斟
酌調元氣扶持立紀綱薦新行太廟覽政坐明
堂不獨殲豺虎還應感鳳凰蒼生倚若相拭目
看時康

秉衡在獄感懷有作

朋儔日乖蹇念汝涕如瀆賈誼生非晚朝陽志
不羣書從梁獄上哭向漢庭聞天地虞羅密江
湖釣餌芥路豺那可問屋鼠竟難燠已懼蒼蠅
點真成貝錦文神龍在汚淖鷲鳥失青雲日月
益還覆薰蕕器不分斗間誰辨劍野外枉懷芹

明言上卷之四十三
五
談虎嗟何及亡猿禍已云高才元脫略衆口但
紛紜木直妨先伐蘭芳忌自焚書臺幽白日冬
井下霜氛曉榻明星替陰墻白草曛連驂虓繼
綬尺牘阻慙懃石父遭齊相鍾儀滯楚軍受書
賢不死演易聖猶勤縲紲終非罪文章固有勲
燕臣霜霰烈庶女震雷殷佇見 天王聖金鷄
早赦君

秋日與李獻吉崔玄朗遊焦山待月

魯道

京口焦山寺陰森似峴丘江濤衝石壁雲氣拂
仙樓空翠藤蘿合還舟日月浮古銘啼瘞鶴滄
海笑乘虬彷彿三生夢追陪二雋遊鍾來甘露
晚笛送廣陵秋夕作荆吳客還同李郭舟夜珠
驚皓魄漁父問玄洲倚桂堪招隱銜盃解釋愁
題名年最少何以繼風流

寄邊太常

何景明

不薄淮陽守翻辭大省寮聯翩追近地奉引憶
先朝日月旂常動星辰劔珮搖漢儀瞻鹵簿虞

明詩正聲 卷之四十三
樂典簫韶雅識懷金奏同遊倚玉鑣聳身殊道
路回首隔雲霄鸞翮終難鍛鶯遷本在喬乾坤
五馬貴江海一麾遙

渡涇渭

湮沈九河會雄壯八州名隔歲望迴合分濤揚
濁清堰渠饒上壤形勢迴西京漕輓通秦甸津
梁跨漢城波流互明滅洲渚各縱橫落日兩蕩
滴遙天雙帶縈片帆儻可借萬里自茲行

送費學士南試還朝

顧璘

拜命臨黃閣趣程下赤墀徵才承漢典奉使詠
周詩禹甸今王重郊林夙望宜龍光占劔出漢
影見槎移藻鑑涵羣品文章得主司朱衣窺暗
燭黃絹獎高辭愛國惟崇雅和衷更絕私淚銷
荆客玉囊脫趙人錐物論歸華袞 皇恩動錦
旗禮卑門士仰興遠地靈知謁聖瞻龍阜懷賢
訪鳳池山河佳麗色井邑太平規行紀傳詩卷
離心對酒卮城廼秋草遍江迴暮潮遲省俗舟
沿泝歸朝珮陸離相將南浦上空有折麻思

送中丞赴延綏

邊貢

上郡防胡切中丞入陝遙隼旗明曉甸鏡吹轉
春橋二月花新綴三川雪正消北門來寇隼西
域仗班超國藉和戎利人傳破膽謠按圖收地
險堅壁阻天驕禮樂欽儒將經綸翊 聖朝長
城一身是詎數霍嫖姚

出塞

孫一元

夜出漢家城朝來塞上行黃金短七首白馬縵
胡纓瀚海驚傳檄燕山暗駐兵妖狐衝隊立憐
火隲原明柳拂轅門曙旗翻朔雨晴笑談開俎
豆陳列走鮫鯨帳底鏡歌起軍中殺氣橫寧知
謝州簿猶是一書生

其二

四塞黃雲接西征更北征飢鷹掠地去駿馬跑
空鳴出磧河聲咽抱關山勢橫風生聞感策月
黑見撓槍草際髑髏語雲開獵火明旋砍白登
路暗擣黑山營鼓角三邊肅熊羆萬里行提携
玉龍起擬死報神京

廬山

徐禎卿

豫章山水郡廬嶽此深蟠吳楚開雄鎮東南表
巨觀中天浮黛色百里曖晴巒漸近雲消豁俄
驚勢鬱盤錦屏圍合沓玉筍屢噴岼詰曲羣形
變登臨萬象寬風高六月電氣慄九江寒石鏡
明花外香爐出霧端劒芒逢轟轟龍脉故蜿蜿
瑶草幽難掇青蓮秀可餐赤城虛瀑布彭蠡更
波瀾禹跡于茲盛崇功振古刊壯懷凌絕頂倦
鳥息飛翰霄漢心何有沈冥性所歡將修梵門
術欲上羽人壇淨社花無白名岩竈覆丹昔賢
非不達於道自相安愛勝真忘返遺榮亦未難
聊須偃松竹遂可挂纓冠祇為懷佳侶淹留獨
寤歎

九日期登大慈恩寺不果寄李獻吉得來
字

悵憶青蓮宇今朝黃菊開遙知遠公笑不見白
衣來窈窕人天閣崢嶸日月迴山川紛楚望城
闕動秋哀峴首羊公石淮陰戲馬臺風烟那可

日言正書 卷之四十三 九
即逸興杳難裁強負登樓作虛傳落帽才此時
遙獨酌念爾重悠哉

聞吾廷介避亂客死藁葬路隅

鄭善夫

識面胥臺夕論心滸墅時功名非爾輩文藻是
吾師命薄長遺世才高更忍飢天如產麟鳳王
不夢熊羆久着東山屐頻歌濮水詞邴原明進
退杜甫昧生涯已是哀黃髮仍兼陷赤眉修身
渾欲到得禍一何竒寐莫榱楹折荒蕪氣運衰
人皆牖下死子有道傷疑叔寶時多譖嵇康我
獨悲君門數行淚不但致吾私

東遊

已是閉關月漫遊何處鄉北風帆勢直南紀歲
華妨負勝輕河嶽哀時挹伯王衣冠明葬處俎
豆盛蠻方忽憶春秋際兼懷種蠡方圖王功已
已去國意茫茫萬事空搔首諸賢足斷腸東征
効蘋藻大觀出玄黃雨蝕曹娥廟山疑謝傅堂
泱波平憤懣舊燕落尋常忼慨吾能賦風流誰

更狂飄飄王逸少磊磊賀知章真帖蘭亭秘遺
滌剡水光鑑湖秦望近雲寺若邪荒皓齒此溪
女紫騮何郡郎隔花相問姓采萑欲遺芳未逐
支公隱能無許掾葺雪舟行獨遠禹穴探猶長
木客胡麻飯山夔薜荔裳桃花源不昧野鳥恨
難忘自此升台嶽騎驢過石梁仙風去若脫八
極信翱翔

東韓苑洛汝節

常倫

秦川當北斗靈氣產雄才東省山濤入西藩召
伯來安人傳萬姓簡帝擬三台按部臨山邑前
驅入憲臺門羅除鳥雀車從下蓬萊言笑青春
返周旋白日迴曉看長者轍竊感不然灰

箜篌詠

楊慎

本是箜篌樂今為蜀國絃新聲晉師鞅舊譜李
憑傳桐斲雙鳳幹絲抽八繭絲畫屏張匝匝羅
袖捲嬋娟昔昔鹽中柳勞勞渚外船遏雲歌宛
宛回雪舞纖纖按擘擘銀甲催葺搭錦肩前谿
何冉弱子夜極輕僂鳴玉昆山碎真珠合浦圓

明言正堂 卷之四十三
十一
驚猿紅淚迸天鳳綠毛懸江樹雲中出芙蓉露
下鮮悲留湘女竹高入梵王天飛月澄三五流
霞湛十千巨源饒綺思長吉賦瑰篇燕席懷深
華堂想曲旃南冠猶楚奏吟望碧鷄顛

送尹舜弼抵祀南嶽

洞庭環北渚衡麓奠南荒軒帝曾張樂重華舊
陟方登封非昔事秩禮自今王鸞掖馳仙使龍
函捧御香栢梁辭曉宴桂水泛春航星鳥光芒
動風鳥浩渺揚雲標青磴上天柱赤霄傷峰影

回鴻鴈岡音下鳳凰擲毫驚挾藻弭節敬維桑
並命還分役同棲忽異翔行行背去轍肅肅戒
歸裝南望蒼梧遠西遊碧草長五津通萬里七
澤遶三湘暑殿螭頭暗秋堂燕子涼漢恩虛講
幄唐會別文場離索難為久居諸幸不忘

荅彭子冲

異縣悲南國同車感北風霜清淮浦闊木落楚
江空危坂難回馬炎方少去鴻望歸天共遠惜
別歲將窮海曲飛鳴隔山梁飲啄同從軍古云

樂况復九夷通

至後雪

白雪晃玄陰清都帶玉岑原鱗春盜盜宮雉曉
沉沉朔氣龍沙遠寒光鴈渚深色裁班女扇聲
入楚妃琴黃竹當停奏幽蘭且罷吟瑤華如可
贈持此慰離心

送劉遵教僉憲之河南兼河北兵備

薛蕙

暫輟臺中妙兼分閩外名兩河開幕府萬里作
長城卻穀真堪帥穰苴雅善兵追奔立表待傳
檄踞鞍成盜賊空三輔煙塵掃北平間閩無夜
警部曲有春耕風勁吹龍角雲輕抱翠旌遙占
猛將氣偏逐使君行

出行四圖為何燕泉先生作

職方奉使

西域防胡日南宮動使星舊分雙赤管新佩一
青萍隴月傳兵候關雲結陣形千金收虎士萬
馬蹴龍庭方略隨封事文章待勒銘應嗤班定

明詩正聲 卷之四十三
遠頭白滯邊亭

藩省旬宣

六省今名士三川古劇藩
含香辭舊闥揚節下都門
王跡餘京洛戎風變陸渾
疲人迎皂蓋小吏擁朱軒
列郡謳歌滿中朝錫予蕃
仍聞詞賦手文采擅梁園

太卿考牧

沙苑禁城隈天閑十二開
欲修羣牧令還倚列卿才
照野雲千色填山錦萬堆
鑄形珍漢闕市骨笑燕臺
大閱軍容壯橫行虜陣摧
始知中國富不假大宛來

都憲巡撫

明主憂荒服中丞按遠陞
西臺分節鉞南極駐旌旗
包匭輸蕃使衣裳變島夷
神留碧鷄頌吏擇白狼詩
羊傳襄陽樂文翁蜀郡思
知公同二子遺愛向滇池

送周侍御子賢

萬里牂牁路炎州百越南
懸梯穿鳥道流沫下

龍潭赤阪鼉鼉出玄崖日月含虹霓蒸海氣煙
霧灑春嵐飛猓綠篁竹垂猿墮石楠橘花香細
細藤刺綠毳毳嶺外青驄馬臺中白華簪秦冠
高鐵柱漢節照金函行邁應多暇登臨素所耽
江山增藻思物色助清談送遠方無緒憂時且
不堪安危廷諍地遲子促朝參

送楊石齋

社稷功成後山林避寵年遭逢誰可並出處獨
超然反側當前日經綸邁昔賢殷憂興 聖主

致治格皇天凶豎同摧朽蒼生盡解懸廟謨隨
指顧臣節見周旋智勇千夫敵勲勞百辟先賞
仍虛裂土名已重凌烟握壘慚周勃揮金咲魯
連急流嫌盛滿介石慕貞堅許國心恒切還鄉
興偶牽留侯初相漢樂毅晚辭燕異渥絲綸數
高風進退全草停黃閣詔花簇錦江船水檻星
橋側茅堂雪嶺邊雲霞深綠野卉木富平泉事
業存鐘鼎儀刑照簡編累朝瞻翊戴四海憶陶
甄白首歸休記青春送別筵衣冠重行色端不

異神仙

初歸故園作

王廷陳

結髮負奇志，辭家作遠遊。一言侵絳灌，萬死脫
幽囚。倚伏虛疑鵬，光芒隱射牛。敢云疲漢戟，實
已敝秦裘。習隱希玄豹，忘機對白鷗。生涯惟素
業，吾道已滄洲。

寄劉松石

時松石開府薊遼，破虜功成，將
有歸隱之意。

鎮擁三邊重，銜兼八座榮。鞞鈴臨玉障，仁義即
金城。神武雖無敵，天威亦有征。寒烟烽裏合，隴

月笛中鳴。直應師方壯，恩驅命始輕。何云無上
策，已見戢佳兵。虎豹爭為用，風雲可立生。書隨
飛箭去，檄至倒戈迎。百勝非天幸，諸戎不日平。
橫行邊地拓，獨坐虜塵清。質子趨周道，降王詣
漢京。歌鐘時自勞，戍鼓遂無驚。定遠元投筆，終
軍枉請纓。不言防衆忌，求退為功成。但使龍庭
滅，寧邀麟閣名。

憶舊廬

今羈變節候，昔棲曠林丘。蘋風浣秋岸，花暄麗

春洲林端赭圻折屋際玄霧流撫景足自媚寡
欲罕外求一朝嬰塵慮十年事遠遊山中冷叢
桂海畔驚羣鷗龍性乖馴擾鶴姿愜清修初服
乍久負華簪歡早投巖想偃芸室渚怵驚蘭丘
倦翰飛屢憩駭鱗逝無休此語難俗聽探懷授
良儔

出獄留別主人兼欲有貸

畏途殊倚藉歧路暫相看生死交情見飄零客
計難原思寧是病范叔果非寒有玉嗟三獻無
金報一餐涸鱗斗水活窮鳥一枝安莊舄吟何
切馮驩歌未闌平生流水引不惜向君彈

登五華寺閣十韻

馬汝驥

寶閣開千仞丹梯繞五華春攀入霄漢晴望入
烟霞碧宇塵初淨瑤京路不遐西方標鷲嶺北
極壓龍沙臺倚黃金直泉飛白玉斜綵雲張拱
繡朱日度窓紗傍檻聞天樂巡簷拾雨花古松
扶佛座踈竹間僧家山接居庸樹川浮瀚海槎
登臨雖信美詞賦愧三車

靈巖寺

李士允

驚嶺千盤上龍宮百代傳藤蘿開福地樓閣聳
諸天嶮鑿神功大幽栖異境偏法雲流曲洞花
雨散層巔塔影羣峰落鐘聲衆壑連瑩心浮海
月摩頂結松烟白鶴旋空界黃龍繞梵筵鍾靈
元有窟啓聖已非年蘚蝕袈裟鐵雲飛錫杖泉
椒香含白露竹色映青蓮玉鏡霞同照金燈日
並懸精藍隣岱嶽虛白射齊川絕域超三嶂塵
籠破十纏登高慙作賦習靜稍通緣彼岸元無
極吾生自有筌玄關今不扣那解有真禪

金山

黃省曾

圓嶠長江裏攀遊拂斗槎潮吹香殿草泉閱寶
林霞四集帆檣色中盤日月華龍宮開法藏鰲
界出蓮花矚海紅樓複沿濤紫磴斜不須三島
問宛爾入仙家

送大宗伯嚴惟中之南都十二韻

高叔嗣

露板承權渥天書拜寵靈春官典邦禮風后佐

王庭出入登三事遭逢起一經持衡人莫眩講
殿 帝親聽妙思黃華句雄篇繡補銘龍文生
赤汗鸞翮奮青冥暫徃神都遠同追祖帳停二
京分化理八座備儀刑仙擢花催發官途柳為
青微生荷剪拂孤跡困飄零空謝伸眉日多愁
短髮星公還衆所祝強飯念朝廷

送管先生頒封秦府

五等周分國三王漢世家日開敦 帝族時見
遣皇華剪土仍鶉首疏邦自犬牙函關通使節
灞水度征車過邑息難屢登堂禮更嘉何如北
山客行役動長嗟

苦暑

許宗魯

酷暑逃無地高天不可呼五行皆化火六合盡
為鑪令本司朱雀年應建赤烏焚林書有紀沸
井事非誣禾黍焦如燬龍蛇縮欲枯胡然蟄雷
電無乃涸江湖熾焰憂銷肺炎威恐裂膚合冰
嘗憶漢置窖轉懷蘇虜誦清涼品難迴白帝符
何當超淨域摩頂灌醍醐

登月潭寺東閣

田汝成

流覽披高閣探竒挹秀岑棟雲含宿潤簷木敞
秋陰滴乳滋丹壑飛淙散碧林庭虛朝鹿至潭
黑夜龍沉仙窟窺天近禪扉映雨深遐踪騫鷲
嶺孤嘯振鸞音已躡真如境仍慚大隱心異方
違夙願偶勝愜幽尋

登孫登嘯臺

唐順之

晉時肥遯士長嘯此山陰自遠龍蛇跡能為鸞
鳳音清淨同河上沉冥異竹林坐超惟默理妙
契守雌心逸駕應難返荒臺尚可臨俯看恒衛
水遙見太行岑砌冷疎花發扉扃落葉深寧知
千載後更有阮生尋



中華書局
卷之五十三

五

